

Guia Electoral 2024:

Evalua bo politico: Sr. Miguel Mansur

PA haya un miho bista di e candidatonan prominente como politico, nos a evalua algun candidato prominente riba lista di MAS a base di un sistema cu 10 pregunta, manera publica den Guia Electoral di dialuna 18 november. E sistema aki ta evalua e prestacion y caracteristicanan cu un score di maximo 5 strea.

1. Integridad: E ta demostra honestidad y ta mantene su mes na normanan etico den tanto su bida personal como publico?

3 strea – E tin un postura etico fuerte y ta lucha consistentemente pa igualdad.

2. Responsabilidad: E ta tuma responsabilidad pa su accion y decisionnan, tanto den exito como den error?

3 strea – E ta humilde y ta tuma su responsabilidad, pero e mester wordo evalua ainda como minister.

3. Habilidadnan di Liderazgo: E por inspira y guia otronan pa logra metanan comun?

4 strea – E ta fuerte den liderazgo y ta inspira otronan, aunke e por tuma un rango mas amplio di iniciativa.

4. Habilidad di Papia: E ta comunica su vision, maneho y balornan na un manera cla y convincente?

4 strea – E ta un orador convincente; ora e papia, tur hende ta scucha atentamente.

5. Conocemento di Asuntonan: E ta bon informa riba asuntonan local, nacional y mundial?

4 strea – E ta semper bon prepara y documenta riba tur tema, cu poco deficiencia den su conocimiento.

6. Curashi: E ta para pa su conviccion y e interesnan di su votadonan, hasta ora esey ta impopular?

4 strea – Su lucha pa derechonan di LGBTQ+ ta demostra su determinacion. Un mesun persistencia por wordo spera den otro asuntonan.

7. Compas Moral: E ta pone loke ta corecto riba loke ta politicamente beneficioso?

3 strea – E ta habri tocante su bida personal y ta mustra ken e ta realmente. Loke bo ta wak ta loke bo ta haya.

8. Vision pa Futuro: E tin un vision cla y inspirador

pa progreso a largo plaso?

3 strea – E tin un vision fuerte riba cierto temanan, pero tin necesidad pa ideanan mas concreto pa otro topiconan.

9. Etica di Trabou: E ta demostra dedicacion y perseverancia den ehecucion di su tarea y responsabilidadnan?

4 strea – E ta profesional, preciso y corecto, aunke tin biaha e tin explosiannan emocional. Cu experiencia e por refina esaki mas aleu.

10. Respet pa Institucionnan: E ta mantene e principionan di democracia y ta respeta e estado di derecho?

3 strea – E ta mustra hopi respet, pero ta bay duro contra leynan cu e ta considera anticua of discriminatorio.

Miguel Mansur ta un politico profesional cu un vision cla y un curason cu ta visibel cerca e pueblo. E tin hopi mas pa ofrece, pero cu mas experiencia lo bira cla con e por funciona riba un rango mas amplio di tema.



'Tis the Season to Mingle

Christmas Dinner & Dance Party @Renaissance Convention Center

DATE: Thursday, December 19, 2024
TIME: 7:30pm – 12:30am
 Afl. 95.00 per person

- All-You-Can-Eat Christmas Buffet
- Cash Bar in Aruban Florin
- Door Prizes
- Welcome Drink

Entertainment by:
 Edjean Semeleer & Rocco Franken from 7:30pm – 8:30pm
 BULERIA & Megateca Genie from 8:30pm – 12:30am

For More Information, Please Call:
 Jaysley at 5236405
 Magaly at 5236404
 Sue-Ann at 5236403

R
 RENAISSANCE®
 CONVENTION CENTER